易

象

集

解

數過晚乃定爲易象集解十卷今年七十矣猶手此書日有 計偕至都持其尊人星階先生所著易象集解示众日 即墨黃海門孝廉念的為先文安公視學山左時所取士以 自幼耽周易先爲說易鑿語爻爲易象彙鈔四十年中凡 クと記げ 引說文云竟也蓋取綿亘至竟無閒斷之意於說卦傳十 生之學易融會諸儒不立門戸為足貴也如解大畜卦剛健 更定也然慕子詞筆人矣子能爲之序乎。余受而讀之知先 ,其德連下讀不從輔嗣以日新其德爲句解恒卦从 、輝光日新數句則從鄭虞諸儒之說以篤實爲句自 序 漱芳園

視周易鴻寶周易潛解諸書有過之無不及矣聞先生常半 章則從本義引荀九家外又廣引虞氏易鄭氏易左傳杜注 國語韋注以及何妥主實盧氏蜀才侯果諸家說亦足以補 本義所不及不失之鑿亦不失之晦故詳易象兼詳易理也 外者。此十卷書何足以盡先生之易哉道州何紹基敘 日靜坐默無一言余因知先生於易蓋有得於語言文字之

喻及著述因出其傳甫星階先生所著易象集解索序於· **佘受而讀之見其會萃羣言發揮經義凡先儒所已及者** 發共蒙焉癸酉歲余來令是邑邑之嶗山書院爲士人講 **卦 觀象而易作焉故先儒之說易也或且以三義之說而** 所主講者黃海門孝廉孝廉邑之賢士夫也講業之餘 /儒仰註之學多所未解況易之貫天人兼理數者尤未 於易之所以名書則象之係於易也大矣哉余素繭 輔嗣以義理解易而象數之說隱然數卽理也數者 心原夫四象旣生聖人本天之垂象以象之於是乎

其援引之宏富析解之精微其書具在固無俟余之贅言也 至精且遂且以知先生之根本盛大此十卷書特其說經之 之孝廉云先生此書四十年中稿十數易想見先生之易學 敗其於立象盡意之義擬議以成其變化者歟以視陸德明 **小融會之以擷其精卽其未及者亦無不觀其通而發其覆** 同治癸酉歲仲冬月下浣嶺南麥瑞芳拜序於不其官厮 釋文李鼎祚之集解三十餘家則九多所發明矣抑又聞 經傳之義理皆爲之渙然燦然誠所謂道貫天人學兼理 而孝廉之家學自有淵源也爰勉書數言以從其請至

欽定四庫書目所辨析者甚能故附會圖書者隻字不載駁 **少き 毛子** 象集解凡 圖書者亦不及載 國中奇偶乃揲蓍之法非贵卦之本 能悉符傳義 經故不復標舉名氏 ·先天河洛皆因易而作圖乃陳邵之易非孔子之易 、朱子釋剛上 、是編於先儒諸說概無偏主理有可從悉爲摘錄了 是編做朱儒高閱註春秋例鎔貫先儒成說以計聖 例 一柔下諸說已與卦變圖不符不若從漢 凡例 軟片園

案所辨正者甚明故下傳從吳草廬沈敬亭本分作十章 **祭周易折虫於雜卦傳之解互體詳錄之** 易較爲明暢 其角 宋左傅註國語註漢易補入七夥今悉載用資觀玩 字作衍文。餘俱依本字註釋今從之 一文周繫辭多以五體主義所謂非中爻不備也謹 、說卦傳廣八卦取象朱子補入荀九家外毛西河所 、按李安溪觀彖於經中脫文誤字惟報 、卷首易例十則自毛西河仲氏易采入参照 、周易折中於繁解傳章太雖從本義而

四	凡例	平	シミ是子
•			
		之誚	ク
學不復避龍骨	悉為摘錄取象務盡亦失於鑿以利幼學不復避龍骨	心為摘錄。取象路	来
代諸儒之取免	一見易道廣太非可以一例求於歷代諸儒之取象	二見易道廣大	•
其說者亦畧載	變易毛西河之推易俱本漢易而大暢其說者亦畧載	多是西河之推	繿
之要沈守約之	一易以變爲用以象示人為玩辭玩占之要沈守約之	易以變爲用切	
		私言	私
通例非一家之	之周易玩餅亦不著名氏者明為說易通例非	周易玩餅亦不	2

クと言語	卷五	咸至	卷四	मून पूर्व	卷三	師	卷二	乾	卷一	易象集解為
		至.		至		至		至		總目
		盆		離		蠱		訟		
總目		:					 			
*										
<u>.</u>	<u> </u> :		<u>.</u>		 		[!			
Ħ.										
教労園										

卷十	說	卷九	繁發	卷八	繋辭	卷七	豐	卷六	夬	長客事角
	傅		所下傳		附上傳		至		至	
					: 		未濟		歸妹	1
	-									
	:				<u> </u>			,		•
	! !									
									.••	水板

影 東 科		亭卦傳
個目		雜卦傳
	·	
が大		

如天行地勢雲雷屯山風蟲諸解皆乾坤了 马之息华 例 變象如乾二 恒象如乾首坤腹乾馬坤牛類皆說卦所有者離悉用之 家山坤一 日名 日義 日象 如震偶象缶巽偶象牀剝艮偶象廬盆坤偶象龜 變陽為乾在坤中有內直外方之 變雅爲文明爲利見乾五變離爲飛爲 八卦別名 余伸! 教养 利 類 見

中復之中行獨復益之中行告公用圭是也又單卦以初為 地二 勞也有終卽謙之有終也陽爲光爲大故曰知光大畧舉 例諸卦焉 力大陰得陽故德不孤也坤三變艮爲謙其從王事卽謙 一之動直以方也言不 以西南爲離兌東北爲艮震蹇解以西南爲坤東北爲艮 日方位 為南國隨以兌為西山皆以說卦定方爲辭若位 五 |為天重卦以初二為地三四為人五上為天乾 |爲中紫之剛中需之正中是也重卦以三 動則有方而無直也陽爲大故曰直 四為

臣蹇蹇屯初大得民也初二 屯之下賤皆是順往則初爲本上爲末咸之志末大過之本 陰陽陰爲坎位凡週純爻則兩位見如坤三爲光以純坤 **末弱皆是逆來則上爲首·初爲足乾之无首比之无首咸甘** 八文皆是又五爲君二爲臣初爲民臨五大君之宜蹇二 一初至 ·離見離爲光同人之涉川以純乾而上坎見坎爲川也 師卦左次豐卦右肱皆是順上爲貴逆下爲賤鼎之從貴 不在天下不在田中不在人謙之天道地道賁之天文 日次第順逆 |為往爲順自上至初爲來爲逆往前爲石來後爲 易例 |三|| 即陽陰陽爲離位四五上

近.體比 子若泰之帝乙 **履以且離巽也雛巽東南卦主禮履者禮也** 子若泰之帝乙歸妹以互宴兌也震兌者歸妹卦也履之名 可見 拇賁其趾皆 互坎曰涉川豫互艮曰介石師互震曰長子隨互艮曰 **臼互體** 日時日氣 '體大離日大光大過六爻體大坎日 大小體 日利健侯大壯六爻體兌曰喪羊日 [過涉豫自初] 「羝羊以此 類

クミニア 大衍五十天地之數五十五二 用異先庚後庚皆時也甘臨土氣苦節火氣噬黃金金氣 其爲數止此而已 日數目 乘承敵應 有功木氣以及霆巽木甲乙乾兌金庚辛坤艮土戊 八月復七日來復豐雖旬无咎革己日乃字蟲先甲 - 坎水壬癸皆氣也 日乘屯六 八老陰三驏七復長陽十朋二 易知 一乘剛也下爻承上 | 篇之策萬有一千五百| 一簋中陰少陰其 九 承歸妹初

九相承也初與四二十 乾坤屯蒙需訟師 應也 ·敵應不相與也其陰陽相配者曰應比上下 震仰盂 乾三連 離中虛 卦取象歌 經卦名次序歌 缺 一與五三與上 此 坤六斷 異下斷 坎中滿 艮覆盌 小畜兮履泰否 一其陰陽相抗者日敵艮 應恒剛柔皆

咸恒遯兮及大灶 蹇解損益夬姤萃 剝復无安大畜頤 小過旣濟兼未濟 /漸歸妹豐放巽 易例 晉與明夷家人睽 是爲下經三十四 兌換節兮中孚至 升困井革鼎震機 **大過坎離三十備**

乾元亨利貞 健之妙元始也亨通也利和也貞正也 乾純陽以健爲義元亨利貞四德周流貫徹祇是形容乾 相薄也終以坎離既未濟水火不相射也六子隱答乾坤 也 〇卦以九五為主爻健字為全卦綱領 乾乾上下 一經首乾坤天地定位也下經首咸恒山澤通氣也雷風 經 即墨黃守平星階甫輯 西十一形 男念昀孫肇

宝行雨施品物流形 元而亨者象之雲行雨施氣之亨也品物流形形之亨也 元象一 萬亨則流動形見各有區別故曰品 前言萬物此言品物元為稟氣之始未可區別故總謂 莪 故曰統天乾之爲天文周所未言夫子始以天道發明乾 物之生皆資以爲始又爲四德之首而貫乎天德之始終 **氽削文王所繫之辭此孔子釋經之傳也元氣之始也萬** 人哉乾三 動則屯而爲雲解而爲雨皆生於天一之水故自 /萬物資始乃統天

乾道變化各正 大明終始 ノしいる 位无非乾陽卽无非乾元|元貫乎六位而天道依次而 大明日也六位天地四時也六爻做彼而作也大明以晝 即元也元在貞內故曰保合乾道變化卽時乘六龍也各 變者化之漸化者變之成物所受為性天所賦為命太和 夜爲始終六位以相竭爲時乘始卽元也終卽貞也自元 而貞者亦由貞而元大明終始卽天行之健元之運也而 行若御之者然此亨之由於元也〇時字首於乾發之 **歲四時皆由日月往來而成六爻卽四時之象也此六** 八位時成時乘六龍以御天 图 1 0 00 性命保合太和乃利貞

氣於漠以固太和之本以厚乾元之復釋貞字也此節須 化使各盡其正性各極其正命所謂物之大利者釋利字 陽氣爲萬物之所始故曰首出庶物乾之元所謂帝也乾 從元亨說到利貞細玩乃字可見 正性命卽以御天也乘陰陽往來之變以御資始流形之 帝者萬物之所以爲出入者也乾爲首首出者帝出也帝 **业日各者萬物各具一元也曰合者萬物統會一元也萬** |利之盡一者貞之至乾之六陽闟而純坤保神於靜合 之出見於復帝之出見於震元者萬物之所以爲性命

銀日天 見見具 易之準自强象乾之健不息象乾而又乾 說易者謂此是元此是字此是利貞逐節界斷意味索然 點 羲皇六畫萬法皆備以一字名之日乾以四德形容之日 **複之象非至健不能大象皆著以字即** 奂 **元亨利貞夫子彖傅止以乾元二字提綱而亨利貞錯綜** 爲庶物之主故曰萬國 咸寕此節 見利貞之由於元也〇 綴其閒知元之爲元則亨利貞特張弛閩闢之節候耳 行健君子 而已但言天行則見其一 一一人公一上经 了以自疆不息 日 周明日又一周若重 一以字示萬世學 三 米芳哥

九潜龍勿用 陽謂龍下謂潛○易卦爻辭无陰陽字夫子於乾初曰陽 日潜龍勿用陽在下 靈變不測而伏地下非用事之時勿字大有執持在謂 陽爻稱九陰爻稱六者老陽數九老陰數六老則變周易 在 勿之也 以變者為占也潛謂初龍謂九初二地位初地之下龍 大小尊卑變化遙退往來由是著矣 下於坤初日陰始疑陰陽之 以爲諸卦通例陰陽之名立而動靜健順剛柔奇偶 稱始此卽太極所生兩儀 家被 鲢

クミミチ 重 位已具君德矣德施普從見字看出所謂正己而物正者 春秋書龍見同〇九二君之德九五君之位成德於 陰小故大謂九卦體純陽自然剛健若論中正惟九五 位於外餘爻則從其進退安危之會言之〇一爻有 九居二 卦二為地位地上 中卦有才有時有位聖人使之无不合乎中 則龍德已見表出德字明九二 田德施普山 則中而不正龍卽大人見大人祇是大人見與 10/3/1上四 | 創田內卦二為人位故稱大人陽大 所謂大人雖未得 四 秋芳園 :內得

蚁 龍德凡言无咎者本宜有咎處之得其道故无咎 白下而上曰反自上而下曰復上下皆純乾故曰反復道 君子九象卽大人亦龍德也內卦離位終日象夕亦日之 也 **三終日乾乾反復道也** 終九三重剛不中乾而又惕惕而猶厲晝夜无息方是真 反復莫密於畫夜君子日乾夕惕如晝夜之往來總在道 盤旋道本无息君子體道之精神亦與道同其无息也 丁終日乾乾夕

^跟字 故象別在別者謂將羅而猶在湖蓋言其將然故爲未 九飛龍在上 居上 於 疑辦而日或 爲陽陽動已 三十為天道淸明无形而龍在焉飛之象也刚健中 一卦之 入利見大 八大人造也 人位故曰大人]離下體故日躍四爲陰陰虛猶在上 上經 進字以決其疑進 莊 末芳園 體

级日 亢龍有悔盈不可久也 悔得也 造猶作也言作而在上也大人釋龍字造釋飛字聖人居 潜自然之理時值其亢聖人豈能違然亢者上九之遇悔 **元者過於上而不能下之意陽極盛而陰生龍旣飛而 元龍有悔** 位 見革龍无首吉 上儿之德乾道不以亢終者其妙在悔識時變通從有 而行天道其有造於天下萬世者大矣 |而極故日盈盈極則虛不可久也 一个

是乾者不 治 以大終順而體健故也此因乾坤以爲六十 坤與本是坤者不同則陽而根陰之義也坤變之乾與本 其 如 中華龍承六爻而言也无首者循環為用也如乾變之 自復 坤 可 |蓋龍雖見而不見其首陽而根陰故也永守其貞 用 也聖人於乾坤發之以示例爾六爻不言吉此獨 以其剛 丽 ·同則順| |用六乃體易之人用易之道|而揲蓍之法亦在 姤則長而防其消可也自姤而復則亂 而能柔循環无止息也 而體健之義也故立用九用六之幹 四卦之通 郑芳温 圖

元者善之長也亨者嘉之會也利者義之和也貞者事之 貞下起元龍飛思潛不可翹然自以爲首聖人揭出不可 天德即乾道也不可為首為用九者言也不好處在為字 險怪夫子作小象傳不於取象處下一 為三字以示戒此用九者所當知〇周公爻辭取象雜奇 明言外意或發為感歎或寄諸調笑離奇險怪悉歸平淡 歸之於理或提掇其要或推原其故或疏解其義或申 文言依文而言其理也申彖傳象傳之意以盡乾坤 卦之藴而餘卦之說因可以例推云 元 注腳斷章摘句

幹善之長長在理也體仁者又推理之長以長天下也嘉 夏於人爲體而衆美之會也利生物之遂物各得宜不相 妨害故於時爲秋於人爲義而得其分之和貞生物之成 和是即義以明利利物者是因利以成義也事之幹是以 而衆善之長也亨生物之通物至此莫不嘉美故於時爲 元生物之始天地之德莫先於仁故於時爲春於人爲 曾以美之 理具備隨在各足故於時爲冬於人爲智而爲衆事之 更多 上經 聚為亨也嘉會者又推合禮以爲美也羲之

後四句言人事之當然直指君子身上所謂行此四德者 立事爲貞貞固者謂貞能立事也前四句言天德之**自然** 兩問字猶從己起見到樂行憂遠全是萬物 四 則字以見內斷於心審時之未可有爲故確乎不拔如 也〇 右第 勿用者隱也惟有龍德故能隱夫子著三不字兩无字 敵應无所交易不易乎世也初變異或化實則主一 節申彖辭之意 何謂也子曰 體之懷初 此

成名今以純陽居初不成乎名也爻有貴賤之位初不當 九居二 善世爲博二陰爲不伐庸言之信五句總詮 君德明非君位也〇乾畫奇寶則誠坤畫偶虛則敬故乾 位逐世也 為言行二陰位上下皆陽閑也一 |中而不正故| 1000年 一言敬誠敬二 小日中正而日正中 一在中爲存誠二地位爲 則潜二 中字兩言 則見

自然之 故居上位 因時 知終而終不出位也故不憂去驕愛之根 可與幾居上下之閒是有裁制故可與存義在 體知至也居下體終知終也介內外之交是有 也 而露所以終日乾乾也 知至而至非爲位也故不驕在外卦下故 而進脩 內 丰

间 義以九居四非爲邪也上下皆陽非離羣也三之進脩 湖義无常无恒釋或字義非爲邪非離羣欲及時釋无咎 及此時而 以德學言外卦以時位言上通释躍字義下退 **應以下七句總以聖** 14.1 上班 上進 也故无咎 也 **加夷物和** 句爲主聖 釋

相 風 視 也 昭呈 作飛龍在天也萬物觀利見大人也五當天開地關 親聖人如地儿五具天德居天位故一 雷風卽震巽相薄則聲應也同氣相求山澤通氣也山 有天道本天之 虎各相感契則是乾坤為震巽艮兌坎離所從出而雷 射也山澤通氣併之為雲震巽相蔣合而爲風而乾龍 即艮兌通氣則相求也水火卽坎離流溼就燥水火 凙 水火凡以求以應以就以從者无不相準也聖 山澤雷風各相效順之際故以天德言則聖 例言則獎括衆卦變通諸爻同聲相應雷風 類親聖人如天聖人下有地道本地之 以聖神功化 作

妙言之各從者一 德正曰賢人別體在下故在下位陽无應故无輔人豈有 祇在聖人 不動之時日動而有悔妙在 视則出乎其類也出乎其類故統乎萬類 悔而己〇右第二 節申爻辭之意 舡 一一一 上 反掌閉致悔之由止在 物親一物而已至聖作物親无一物之 有悔也 動字天下極重難反之勢 動處亢之道止在 應三三 **秋芳**夏 陽

終日乾乾行事也 或躍在淵自試也 龍在田時舍也 進德脩菜為所當行之事終日行之而不息也 初時寓於此故曰時舍言己出而未行也 前陽在下以氣言此下也以位言 試釋躍字試其時非試其才也上下進退之宜內度諸己 舍者隨其所在而居焉龍本行天之物不常在田出曆之 天上治也 所能喻故曰自試 列光 家建

乾元 **槌至於上亢亦時爲之也陽窮於九天運適然於龍** 爲 用 故云窮之災 云天下治〇 九之上 用九天下治也 端而不可爲首即用九之義也聖人所以首出度物 而治者此爾九五祇一 悔窮之災 用陽氣潜蔵 猶 云盛治 加以乾元者元首也元統天而歸於貞則終始)右第 业 二節以人言 一爻故云上治乾元總包六爻故

或**避在**淵乾道**乃革** 乾乾人之與時偕行也 位者時也爻者人也位在兩體交接之處時之行也終日終日乾乾與時偕行 藏字有不可輕視意藏之而爲氣顯之而爲光此初二兩 內卦確位二位離中文明象 去下體入上體猶天道更端之始故日革 爻之別也 19/5

亢龍有悔與時偕極 消息盈虚與時偕行則无悔偕極 以无首 之 元也亢 因而无首也天則不可見於用九見之潜見傷 則實有其所矣不言帝王而言天德位不足道也 而皆統於乾元故日乾元用九乃見乾道 不日乾爻用九而日乾元 用變正是貞之極而歸於元乾之所以終 則 四節以時言 È 則窮故有悔 統六爻而 也

199月月 19月

不言所利大矣哉

始者元也亨之者亦元也利貞者斂情以歸性也物至秋

冬各正保合一物各具一性情故利 貞卽乾元之性情則 能字見亨利貞皆元之所爲也〇夫子旣分元亨利貞而 機故乾之性情可於此見之乾性情祇是一健是健者乾 利貞之未始不爲元也利天下利也不言所利貞也玩 四之此又分而二之也元亨萬物之出機利貞萬物之入

見性情在義智上討仁禮歸宿處乾始至大矣哉則利 之性而情其著見者也性情並言始此在人則於義智上 俱在元字中又合四德而一之也

龍以御子 クしまで半 著矣故見雲行雨施陰陽溥暢天下和平之道也〇大哉 之情六爻之情也事有萬殊皆該括其情而无遺也是則 也中利也正貞也元亨利貞實以體之剛健中正也一 奇之變无時而不剛健无往而不中正可見剛元也健亨 字全易要領剛健中正以奇畫言純粹精以六畫言聖人 立六爻以通乾之情乘六爻之時以當天運則天之功用 雨卦不雜曰純剛柔不雜曰粹精者純粹之至也中正二 **奇立萬化之本其體剛健其用中正復以六畫備一** 、也雲行雨施天下平也 版下 「作》 さ 松芳国

之意 乾于一 成未著也行而未成是以勿用也 乾之分體各爻中俱有四德在也〇右第五節復申首章 乘 龍乘六爻亦即乘四德也六爻四德是一是二六爻是 乾卽贊四德也六爻發揮發揮乾亦卽發揮四德也聖 日可見之 一句一 人名 行則初九固成德也隱而未見者潜之象未 言乾而四德皆在其中矣剛健中正七字贊 寅以居之仁以行之易曰見龍在 行也潜之 [為|青也隱而未見

雖危无 學聚問辨進德也寬居仁行脩業也之者中正之理也龍 危也 德亦由學問而成至於行仁君德成矣體之則足以長 故仁以行之卽是君德 |重剛||而不 不在天進不得以行道下不在田退不得以養晦是以 中固以爻言聖人之德不過此中而已聖人雖具天 君德也 1 不在天 十四

疑詳審之謂惟其疑必審時以進矣故无咎 為難必惕厲而无咎四亦非人事己盡可以聽天也正見 天人交際之會舉動不可不慎或者據其迹疑者指其心 三四俱入道人下近於地上遠於天三近二正是人道四 一爻皆以乾接乾故重刚非二五故不中天五也田二也 |近於天下遠於地非人所處故中不在人三近下向上 合其德與日月合其明與 天時天且弗達而與四時合其序與

時 中 天 之 弗 違 大 人 即 先 天 大 人 之 奉 天 時 即 後 天 程 坎月也與四時合原四德卽四時也與鬼神合吉凶乾神 所云大人心通天地之先而用必後天事起天地之後 有 合吉坤鬼合凶三神似厲而非厲四鬼有咎而无咎也 郑必先天也 五一爻所以爲乾卦主而統括八卦之義也以創所未 天地合德六陽統六陰也與日月合明下位離日上 日先天時至事起日後天要之先天妙用創在後天奉

延退據心存亡據身得喪據位正貞也乾元之用所歸宿 所必至聖人豈能避但當進退存亡得喪之會自有處亢 變通而處以道之所常然必不至於有悔矣再言其唯聖 也乾之四德始於元又論聖人體乾而歸於正者亢乃時 復據爻辭發不盡之意 亡又能不失其正也非謂聖人不至於亢也〇石第六節 夫進極必退存極必亡乃理勢之自然知其如是則随時 之道其知有此而不知有彼者昧於道故也道者正而已 人乎者始若設問而卒自應之也言聖人非惟知進退存

易長集好 也言 朋東北乾坎艮震皆陽與坤非類故喪朋坤道主靜安於 以 者從乾而稱之也馬取其健化馬取其順化馬之貞坤道 四德同乾而意味各別獨以貞體爲異此貞卽元亨利 正乃吉也 從乾為正也天行健而坤順之有攸往象坤為迷主陽 果牝馬雖安在利貞之閒實爲四德全象乾爲馬牝馬 得主不利為主也西南巽離兌與坤同陰類故得 一為主爻順字為 個下「你》 一卦網領 RXX 改芳 取

彖日至哉坤元萬物資生乃順承天 坤厚載物德合无疆含弘光大品物咸亨 乾之體大矣坤效乾之法至乾之大而後己故**乾元**曰 資始便資生故曰乃順承天此釋坤元二字 坤積順而成厚凡所生即其所載乾不言覆而坤言載者 地所載即天所覆故德合无疆含弘光大句極贊坤德之 坤元日至哉乾元資始坤承乾之資始以生物坤之元 乾之元坤透體皆乾乾元在坤氣至而生卽坤元矣纔 虚而受含弘 也美而章光大也正萬物潔齊之象品物 嶞 坤而亨也此釋亨字

**も
き
き
本** 順坤之元行坤之亨利宜此而已貞終此而已以象言則 得坤道之常陽與陰非類也陰當從陽所謂得朋者不過 **牝馬行地以德言則柔順利貞可見順以從陽乃坤之正** 以有終矣此釋君子有攸往以下六句 同 柔者不爲物先先斯迷失坤道矣處後以順隨而不倡乃 道也此釋化馬之貞句 類爲朋耳惟喪其同類之朋而從陽則有得主之慶可 一个人

初六履霜堅冰至 安貞之吉應地无疆 冰之防 **超泉初霜象六霜** 约 安静也貞正也地道也安於承天之正即合地之无疆也 天以氣運日行地以形載日勢法坤以厚德法重坤以載 口履霜堅冰陰始燙也馴致其道至堅冰也 地勢坤君子以厚德載め 釋安貞吉句 **陰象冰重陰象當履霜之始卽廑堅**

始疑陽惟下然後能發生陰惟凝然後能收斂此兩爻 驯 坤本位故乾於五言乾之大用而二止言乾德之美坤 乾之五坤之二旣中且正又五在天爻二在地爻正合乾 团 三百八十四爻之根蒂不說壞坤道別是一 直方大 狎 以大也 物之性而生之直也成物之形而不易方也內直外 言坤之大用而五止言坤德之美六二蓋全具坤德 說陰以疑爲道凝又要堅乾初日陽在下坤初 順 也經1 不習无不利 一效法平乾乾所至坤亦至之順之至不必習 日堅冰至要其終也傳日至堅冰原其始 光上經 解 陰 也

象曰六二之動直以方也不習无不利地道光也 坤歸二猶乾五言位乎天德也內卦離位光也 始利也 坤體不動二言動者蓋以靜不能從乾動所以從乾也以 動而見其直以方坤元之資生生於動也日地道是以全

六三含章可貞或從王事无成有終 陽爲章陰含之六不足於貞而三足以守可貞象位陽而 陽故皆曰或進退未定之際也六臣道三臣位王乾也與 他卦以君道屬五者不同坤六爻皆臣道也或從王事不 爻陰含陽之章爲陰之貞也乾九四陽居陰坤六三陰居

傅但舉无咎者器咎之召 弘故光大光大之知卽所含之章也 居 以時發非不 成功必能終事蓋三居重卦之半於全卦固未成 **布虛中囊衆重陰之闔括象處天地閉塞之時无咎又** 譽乃爲藏身之固 此終焉此臣道即坤道也 發待時而發也為乾用也象傳曰含弘惟合 以時發也或從王事知光大 也四 所以 工 相 然內

象日黄裳元吉文在中也 泉日龍戰于野其道窮也 上六龍戰于野其血玄黃 八五黄裳元吉 寒凝之極微陽薄之戰之象於卦外野也主陽而言戰故 **黄中色象五裳下飾象六裳以明其臣黃以明其德五以** 坤爲文五在中〇孔子以中正定爻德於此爻首見中字 柔順居中坤元之吉也 極變陽此陰窮而當變之爻也 能主陰而言傷故日血陰陽相傷故其血元黃

變坤上之陰爲陽則隂以大終大終者終順乾之用耳 乾元用九坤道主貞故日用六|永貞〇用九无首是以乾 息乾變坤剛而能柔坤變乾雖柔必强陽先於陰而陽之 坤安貞變而爲乾則爲永貞安者順而不動永者健而不 也 坤坤者乾之藏也用六永貞是以坤承乾乾者坤之君 以上為首坤以上為終變乾上之陽為陰則陽不為首 不為首陰小於陽而陰之極以大終〇乾道主元故日 六汞貞以大終也 数十一次

光坤道其順乎承天 所以含之化之者陰也所以爲光者陽也承天時行謂 交也化光亨利之閉也凡果核其仁必兩偶而屬陰其中 釋利貞也此皆得乾為主乃坤道之常也含萬物貞元之 亨也坤德至靜然承天之施生物而各有定形德則方矣 坤 承於天至貞不息陰道終始於陽也 意則奇屬陽生意妙在能含含而後能化化而後有 道至柔然旋於天中質不動而氣則動動則剛矣釋 乎承天而時行 也剛至靜而德方後得主而有常含萬**物而化**

宜義也兩其字乃推原周公之意如此敬以養其直於 以陽順陰同 積漸順三字理解相通積善之家以陰順易積不善之家 爻辭曰直曰方申之 致其道也 朝 * 至蓋言順也 一順也以漸而積善不善遂分焉順卽所 上經 日直者心无私曲正也方者處置合 本 內

終物坤繼而終之終乾之所未終也言代有終則並其終 義以行其方於外內外交養德不孤矣何大如之則有所 美章也弗敢成含也地中生物皆乾陽也乾能始物不能 此 行也復何疑乎〇乾九二言仁坤六二言義仁義之說始 亦非坤之所敢有矣 土事弗敢成也地道也妻道也臣道也 () 隐易日括囊无咎无整盖言

クランミンド 靈為 所括矣此坤之靜翕以爲廣生之時也閉括蠹象重 陰之閩天地且括其囊況賢人乎謹卽慎不害之義 矣 為理正五之中位居坤之順體存之為在中之美暢地道 黃中屬黃通理屬裳正位屬黃居體屬裳美在其中屬黃 天地變化二句引起下文之解初之霜至四而成堅冰坤 四支事業屬裳有諸內而應乎外為通應乎外而得其當 **丁**黄中通理正位居體美在其中而暢于四支發于專 光則四支泰發已含之章則事業著坤道之美至斯極 五十一形/ 数分園

卦以初 天玄地黃乃兩別之定分陰豈可雜陽乎 **攻與陽戰咎不在陽也夫曰玄黃天地之色雜矣不** 陽孤勢必兩傷獨云其血玄黃者血陰物見陰恃其 周公嫌其无陽故稱龍 謂均敵而无小· 之 初 差也陰極盛目幾无陽 、戦若陰 侯也九五建侯者也 犯順而龍討之也然陰 與陽戰勢

草創具昧世界宜有承乾出慶應運而興之人以治之慶 始交調震難生謂坎合震坎之義以釋屯字震在坎下 為震遇坎而言臉在前艮止之勿用有攸往象震爲侯 地初闢元氣混茫非具天德何克濟屯元亨慶之動利貞 氣始交未暢日屯 物句萌未舒日屯世多難未泰日屯天 鮮草象坎爲月昧象震雷坎雨盈滿於兩閒是開闢之初 平險中也動未便出險祇在中能動便見出險之才故屯 大亨之道所以大亨貞也非貞固无能出險也慶為藉 一人一上經 而難生動乎險中大亨貞雷雨之 主 数方值

梁日雲雷屯君子以經綸 初儿 **澃初以震體居艮坤之下如磐之不可動如柱之立於** 雲之合 經省立其規模綸者糾合而成之經以氣雷之霆綸以象 坎在震上故言雲雷水氣方騰猶未|雨也卦之名屯以此 動坎勞皆不寕象不寕之心卽起於勿用有往之日其始 不輕動者其後決不安於小就也 磐桓利居貞利建侯 爲卦主故爻辭全類卦辭磐大石艮石象桓大柱霞木 不可移即勿用有攸往也利居貞卽利貞也卦言利建 名 磐

象 見を見み、上經 始見此 乘之而上有正應若別有所駕者班如矣坎爲寇盜非宼 **陰聪坤衆爲民陽居陰下大得民也〇象傳正字志字俱** 也乃二五正應之婚媾也字孕育女子貞不字於初懸坤 與初比志從五而內忌於初遲迴不前邅如矣蹇爲馬 雖磐桓志行正也以實下賤大得民也 屯如遛如乘馬班如匪寇婚婢女子貞不字 例以位為志言雖磐桓平而以九居初志行正也陽貴 與初所謂剛柔始交者時塞未通屯如矣正應五而近 其事交言利建侯者其人也 教劳

父曰六二之難乘剛也十年乃字反常也 字貞之至也〇初爲濟屯之主方欲求才以其濟六二 難即始交之難也剛謂初反常者始復正應之常道也 事而遂與苟合故曰其〇乾无十坤无七陰極於六而七 數十而成大腹之離乃字於五玩乃字意非至十年不 义為乾之始陽極於九而十自為坤之終凡言十年者坤 正之賢初之所急求也六二自有正應不以初之得時 二以柔居剛而不中正妄動者也鹿山獸上六在艮山之 中

往也良止之舍也動止之介甚微故日幾 直言其事之无成而无成意殷然言外窮謂无應往无所 獵必從處人无處可從禽乎以從禽也句大似調笑語不 也初求而往應之吉无不利也 之也經言不如含辨之早也傳言舍之去之決也 四位全度上 乘馬班如求婚媾往吉无 象庭庭人 崩也 |亦乘震馬上比五故亦班如然與初應婚媾 7%1 上經 非應无處也坎爲叢棘日林中三位慶終 往客窮也 蒫 **教芳園**

象日屯其膏施未光也 九五屯其衛小貞吉大貞凶 **一六乘馬班如泣血漣如** 求而往明非四求也卦體大離明也 皆歸初君當潤下而反吝則凶臣吝則吉也 **坎為馬上居屯極陰柔无應乘馬將安往乎故班如坎為** 将屯矣小貞臣也大貞君也屯難之時雖以九居五而民 五陷陰中雨意雖作艮止之震雷不應爲雲而未爲雨其 血卦泣血象 施字當澤字澤屯而不 施 也 坎 與 離 反 未 光 也 为治

蒙亨匪我求重家重象求我初筮告再三瀆潰則不告利貞 シと見る 蒙謂五我二也卦自觀移五來居三非二居五故非我求 蒙昧也物生之初蒙昧未明也蒙非性之昧故有亨理童 **並梁重蒙求我筮揲蓍也借作求字影于初筮主九二言** 卦以九二六五為主爻九二師也六五尊師者也 再 三主上儿言內卦初筮外卦再筮二當初筮之中上 何可長言豈是人計望人思可長之道也 **再筮之三也蹇動又當初筮故告再三** — 足 大 上 下 图下 1 70/ 一適當艮止不告也

利貞教以正也

能以亨行二五皆中時中也致亨之道也二五為往來 利貞之義〇傳於二體以應否為要義應字如見於此 已為聖功張本坎心亨主思作聖象卦互頤養正象此 來剛中故告上九剛而不中徒以瀆蒙故不告上文時中 爻故有求象二陽五陰志應者也剛中二也告字從應 有險蒙之地內險外止蒙之義故名蒙蒙以險 以養正聖功也 初筮告以剛中也再三瀆濟

見見見る 初六發蒙利用 利字言皆初所宜用也若儀刑在前不知取法必往而為 困蒙之吝矣初應四爲往〇六爻之義初常對上二常對 也能刑人則脫昏蒙之桎梏如泉源之達矣二用字承 此初之質也九二剛中爲治蒙之主初比而承之剛柔相 初處坎下銀泉之始發故日際聚發有發始意有發生意 山惟靜止故泉之出者无窮泉水之源純 之 刑儀 剛中以果決其行體艮之靜止以涵育其德 出泉蒙君子以果行育德 刑文王之刑人謂九二桎梏坎為法律象謂拘束 14 1 7 16/1 人用說桎梏以往客 而不雜者體

陰 包納二虚能受象克九剛能任象包象蒙而爲之主納泉 以正法言當以正為法也以釋用字正釋人字法釋刑字 尊者之事子克家象此以應五言二處艮門內家象 而巽二三爲見而失身四爲遠而失實大約諸卦多然始 五三常對四初言發蒙上日擊蒙二為包而接五五為童 終見於初上 利用刑人以正法也 而以爲婦此通一卦言五尊父也一卑子也處卑而任 A 而曲折備於中爻也

八三勿用取女見金夫不有躬无攸利 、四因家客 中正之別也 應不有躬明棄上也〇屯六二應五而乘初蒙六三廛上 家爲二五之應 えるのご子 互震爲行互坤爲順三舍應從比行不順也 獨釋子克家句以包納卽克家之實也剛柔接專以子克 九而乘二 一剛中金夫象三以陰居陽而不中比二上艮爲躬三之 則十年不字一則見金夫不有躬者中正不 NA.1 上級 秋芳園

上九學家不利為寇利禦寇泉日童家之吉順以巽也 **梁日困** 梁之吝獨遠實也 六五童家吉 以少男居尊位惟剛中之是應吉也 實陽也以六居四應比皆陰非實遠四四自遠實也 四處艮山下坤土中石揜其上土塞其中此乃泉桎梏時 也 所擊三也且爲手擊象坎爲盜寇也治之過嚴扼其生 137

需待也卦德妙在有孚二五刚中孚象互雕光象坎爲通 101104 卦以九五爲主爻位乎天位者也〇內卦以險在前言 寇下順 **戸泉貞吉以中正吉也炊大川象互離舟象陽剛臨之** 卦坎體以相需相登言 坎乾 上下 ?剛不為寇而止寇上順下也三之蒙因其禦而不為 則爲寇捍其外誘以全其天真卽禦寇 上也順互坤象 一人,一人区 芜 数岁星利

需乎五五亦需乎乾矣利涉則有出險之功吉也〇正中 德則險在前而能須乾恃五而進五亦援乾以進非特乾 坎在上故險在前內三陽以健居坎下遇險能須故其義 困窮五在乾上日天位中正郎学光亭貞之德也有是 取悠揚之象上 之中正 天需君子以飲食宴 位以正中也利涉 一倒轉叶韻與乾 一於天亦須待之意坎爲酒互兌口飲食 剛健而 龍德而正中不 同

泉 初九寄子 見足是平 難 咎一 **乾爲郊初未近險需于郊樂乾健能恒在郊而恒則无咎** 恒者之心也 以能敬終吉需之時義大矣 矣〇需須也以健遇險非須必敗初去險尙遠以用恒 不收四已傷於險以柔而不競能出自穴上險陷之極 陽居 |漸近險以用柔守中|而終吉三已迫於險象言敬 內有臭安氣陽舒樂也身安日宴心恬日樂 **小犯難行也利用恒无咎未失常也** 同一一人经 用恒无 军

象日需于沙衍在中也雖小有言以吉終也 九三需于泥致寇至 以其衍在中故終吉 函 无入而不自得人言何足恤哉以其中而不正故**小有言** 澤水混爲泥三過剛不中不能靜待故致寇至寇近坎盜 衍在中從沙字取義卽乾九二寬以居之之義此心寬然 不退三或諷其宜往而需雖在沙終當上升故終吉 漸近險矣爻剛位录上應五水中之剛居免初免爲剛 炒象兌爲口舌小有言象上應五需而不進初或譏其

黎曰需于泥災在外也自我致 外言 尨 급 ÙÍ. · 凶咎者以險在外能敬慎猶可免也〇傳以二體分內、寇爭勝也寇災皆從險在前言敬慎從上六應爻來不險耳何謂敬慎需是也不敗者謂自處於不陷之地建分對致之一字罪在三矣險何嘗逼三三急求進自追 |離中虛出穴象出自穴者離所處之安以爲三陽彙進 首見外字 四爻位俱陰之象又為隱伏四坎內偶畫穴

采日需于血順以聽也 九五需于酒食貞吉 坎乃酒互兌口酒食象下三陽恃有乎以需之五為卦主 于血與五之酒食同義雲上于天必待陰陽 之路也〇四之血卽坎之水物資水以養人資血以 之入穴有四之順聽而後上有三人來需血之妙用如此 四與初應正陰陽和而成雨之候出自穴者血之出也水 以聽順於五以聽三陽之進也有四之出穴而後有 流泉傳言順以聽者順聽於初得陰陽之和也 酒食以需容共釋險難之憂是以貞吉 和而後

上六入于穴有不速之客三人來敬之終吉 象日酒食貞吉以中正也 二不當位而不應三陽同類敬其一不敬其二需之者所 三陽自外入主人未應不速之客也上與三當位而應初 因上與三應三率其同體而來出於上之意外故日不速 此需道之成終也 入穴者非上六也不速之容也五爲卦主三陽本五之客 之客也上與剛相接故須敬之彖所謂有孚光亨者在此 不逆之客來敬之終吉雖不當位未大失也 |即象傳所謂正中〇中正||字並見始此 1000 上級 是

訟有字窒惕中吉終凶利見大人不利涉大 失大矣傅去其三人止日不速之客者爲上六也上於 三人自不當位言之則失也自得三人言之則雖不當位 惕中謂二終謂上大人謂五太水異木涉川象而无如 二不當位也當位而應則得一人不當位而兼應之則得 以訟名祗要人无訟意有孚與需同而坎在丙爲窒爲 以 11 失也四爻不釋出自穴者以出穴之義卽在需于血 九五為主爻蓋諸爻皆訟者也九五聽訟者也 此爻不釋入于穴者以入穴卽下句來字也

奎 皆訟道也卦自遯移 机 利 則訟成凶也五中正 之壅而成淵 以剛陵下 焉 可成之義 下以險陷上 加工工工 利涉矣訟陰事以險涉險故不 乃使民无訟之本也坎雖 三來居 |又內險而外健又己險而彼健 惟得中故中正而吉 壬 也終

皆訟者也然刚者訟录者不訟初與三录也故皆終吉一 東注遂成天淵之隔作事坎象謀始乾象 不訟亦以居录故二无皆而四安貞上獨處卦極下與三 初以柔居下不汞所事象不曰訟而曰事事在初未成訟 四上刚也一與五對勢不敵而不訟四與初對理不可而 小有言而已〇九五居尊為聽訟之主故訟元吉餘五爻 八不永所事小有言終吉 生水始本同氣一 家所事訟不可長也雖小有言 不能抗故有盤帶之錫則終訟者也 麗於形天上浮水下流天左旋水 **真其辩明也**

するき手 **象傳訟不可成要其終也此訟不可長戒其始也前互 坎爲多肯爻變則坎象不見故无眚** 爻也 本位坎為隱伏逋也九二逋則內卦純坤三百戸皆順矣 **九居險中故訟位陰上遇中正之大人故不克逋者失其** 明也辯明則不求矣故終言 三愈上 一不克訟歸逋竄也自下 路傳曰患至接所以折其无上之心也 不克訟歸而逋其邑人三百戸无眚 一與上訟質成於五也爻曰歸而逋所以開其自 而比二二與上爭三而有訟故云自下訟上上 阿丁 7%/国 一患至掇也 盂 敞芳園

九四不克 象日食舊德從上吉也 舊德上上爻也 真正自危係應於上 舊德坤順之德也順則不訟何吉如之故傳以從上爲食 泉吳爲不果无成象異於坤三爻辭者訟不可終也 命渝變也爻變爲異則以柔居柔順以聽命旣安且正 逋則復為純坤仍食其從乾之舊德也三處兩刚 訟復即命渝安貞吉 而比三三應上四不能无訟也位陰故不克巽 貞厲終吉或從王事无成 一故終吉以雜明體上承乾君從王

克理也 吉也 好訟之失矣吉也 居中得正下皆无訟是以元吉 不失釋吉字二以下訟上其不克勢也四以上訟下其不 日復卽命渝安貞不失也 五具大人之德故未訟則處之而化已訟則就之而直元 訟元吉 「訟元吉以中正也 重 激芳图

象日以訟受服亦不足敬也 解言出合卺卜上乞?!! 以剛終訟必无勝理以三從之故有或來之錫或假設之以剛終訟必无勝理以三從之故有或來之錫或假設之 發爻言外意謂不奪亦不足敬其辱有甚於穢者矣 解言出於望外也乾為衣為圓盤帶象下應離日朝象於 為盜殲奪象居外卦終三號之象